

出賴九卽嚇逼該氏成姦繼又遇便逼姦二次該氏卽向伊夫賴石成並姑賴羅氏哭訴是該氏被逼成姦始終非其情願與甘心淫亂者不同若一律擬以絞決未免與和姦者無所區別既據該撫於疏內聲明可否將該氏原情改爲擬絞監候之處伏候

欽定  
道光二年說帖

陝西司 此案曹存得毆傷無服族弟曹四十二身死應如所題曹存得合依同姓服盡親屬相毆至死以凡論鬪殺律擬絞監候該督疏稱曹二斤十自幼

兄之姦婦弟娶爲妻後復逼姦



出繼與堂伯爲子與胞弟曹四十二降服大功該犯先與孀婦林賞氏通姦嗣賞氏改嫁曹四十二爲妻係屬明媒正娶夫婦名分已定乃該犯仍與賞氏續姦應按服制科罪曹二斤十合依姦內外總麻以上親之妻姦夫擬軍例發附近充軍賞氏因與曹二斤十通姦被本夫曹四十二撞獲責詈經人勸息嗣曹四十二因著落原媒曹存得討還財禮起釁被毆身死例無因姦累夫被人毆死作何治罪明文自應仍科姦罪賞氏合依姦內外總麻以上親之妻律擬杖

一百徒三年係犯姦之婦杖決徒贖等語查律載姦兄弟妻者姦夫姦婦各決絞又例載嫁娶違律應行離異者與其夫及夫之親屬有犯如係先姦後娶或私自苟合雖有媒妁婚書均依凡人科斷各等語此案曹二斤十係曹四十二胞兄自幼過繼與堂伯曹萬有為嗣曹二斤十先與孀婦林賞氏通姦曹存得與曹四十二均不知情嗣賞氏憑曹存得為媒改嫁與曹四十二為妻曹二斤十仍與續姦查該犯雖曾過繼堂伯為嗣惟曹四十二係伊同胞弟兄親屬相

姦女不言出嫁男不言出繼有犯仍依本宗服制論不得與殺傷之案降等科罪如果曹四十二明知賞氏先與該犯有姦輒憑媒婚娶例應離異有犯亦應同凡論乃該督將曹二斤十等依姦總麻以上親之妻例問擬案情既未確鑿罪名尤闕出入應令該督再行提犯研訊確情按律妥擬

道光十年說帖

叔嫂通姦謀殺本夫

湖督 奏楊綱與胞兄楊緒之妻鄧氏通姦被楊緒看破毆打鄧氏逃避楊綱將楊緒謀勒致斃楊綱應從重依謀殺期親尊長律凌遲處死於審明後恭請